

## 南無華嚴會上佛菩薩（三稱）

大方廣佛華嚴經入不思議解脫境界普賢行願品卷第二十八  
爾時，善財白瞿波言：「聖者！得此解脫，其已久如？」

瞿波告言：「善男子！我於往世過百佛剎極微塵數劫，有劫名：最勝行，世界名：勝無畏。彼世界中有四天下，名：常具眾樂，閻浮提中有一王都，名：大樹妙高吉祥，於八十四千億王都之，中最為上首。時此王都，復有八十四千億城而為眷屬，其諸城邑，一一嚴飾悉皆清淨。毗瑠璃寶以為其地，七重寶牆周帀圍遶，一一皆以裸色影像光明寶網以覆其上。其諸寶牆，一一皆以寶塹圍遶，金沙布地，香水盈滿，優鉢羅華、鉢頭摩華、拘物頭華、芬陀利華，彌布水上。此一一河，皆有自然眾寶欄楯，及諸寶網莊嚴其岸；一一河間，復有寶多羅樹，七重圍遶；復有自然寶莊嚴樹，垂諸瓔珞、衣服、鬘帶、真金寶網彌覆其上。其諸城邑往來之處，所有道路左右八步，皆以種種上妙裸寶間錯莊嚴，發耀舒光輝映一切；又有無量持明呪仙，嚴潔其身，如自在天經行遊履保護眾生。又彼城邑，一一各有無量園苑遊戲之處，華葉樹林無不備足，裸類眾鳥哀鳴和雅，遊集其中歡樂無畏；常有無量清淨微妙可愛男女，止住其中，身出妙香，普熏一切；諸天晝夜常雨妙華，色類百千繽紛亂墜。彼諸城邑，一一皆有百千地神而為守護；其諸城邑，內外所有，眾寶樹林，瓔珞鬘帶，及寶鈴網諸莊嚴具，微風吹動，演出種種妙法音聲；

聞皆喜悅煩惱銷除，身意清涼，法喜充滿，於阿耨多羅三藐三菩提，得不退轉，具足普賢常所稱讚妙行功德。

彼時有王，名為：財主，常以正法化周率土，妃嬪嫔女八萬四千，輔相大臣其數五百；五百王子色力具足，形相端嚴勇猛無畏，能伏怨敵。王有夫人，名：蓮華吉祥藏，威德殊勝，顏貌第一；所生太子，名：威德主，端正奇特，人所樂見，具足圓滿三十二相。所謂：足下平滿猶如奩底；千輻輪相圓滿備足；手足柔軟如兜羅綿；其指纖長網縵成就；足跟齊圓足趺隆起；一一相稱光潔妙好；雙臙圓如仙鹿王；垂臂過膝猶如象鼻；馬王陰藏峰勢隱密；一一毛孔各生一毛；紺髮右旋螺文不亂；身皮金色細薄潤滑，一切塵垢所不能著；手足肩頸七處平滿；臂膊臙圓脊骨不現，周圓相稱如尼拘陀樹；頤頷胸臆猶如師子；頸如紺蒲三約成就；常光四照面各一尋；四十牙齒鮮白齊密；舌相紅赤長廣覆面；梵音清美，人所樂聞；目睫青潤齊整不亂；目上下瞬猶如牛王，青白分明；面臙圓滿猶如淨月；眉相纖曲如帝釋弓；白毫皎潔文相右旋；頂有肉髻猶如天蓋。如是眾相莊嚴其身。

善男子！太子有時受父王教，與二十千妓侍嫔女，并諸眷屬前後圍遶，從宮城出，詣光明雲峰大香芽園，遊觀嬉戲。是時太子乘閻浮檀上妙寶車，其車嚴飾世無倫匹；火燄金剛以為其輪，天妙金剛以為其轂，香摩尼寶以為其廂，上妙栴檀

間廁嚴飾，眾寶華網彌覆其上，大莊嚴藏寶摩尼王為師子座。五百婁女，各執寶繩牽馭而行，不遲不速進止合度。寶馬千匹駕以金車前後導從；白瑠璃摩尼寶王以為其蓋，放不思議一切希有裸色光明，摩尼寶王而為莊校，一切影像紺瑠璃王摩尼妙寶而作其竿，使人執持隨覆其上。百千萬人持諸寶蓋，百千萬人持諸寶幢，百千萬人持諸寶旛，百千萬人奏諸音樂，百千萬人散諸寶華，百千萬人持諸香鑪，燒眾名香，前後圍遶而為翊從。其路寬平八衢齊列；界以裸寶，布以金沙，種種寶華而散其上。裸寶行樹及寶欄楯，於八衢間次第行列；覆以種種妙寶鈴網，及諸繒綵懸布樹間以為嚴飾。於其路側，處處建立義堂、福舍，眾寶樓閣，及諸倉庫遞相連接，延袤遠近，珍寶財物悉皆充滿。或於其中積諸珍寶、瓔珞嚴具，或積繒綵上妙衣服，或辦甘美上味飲食，或貯香華身諸資具，或畜象馬裸寶車乘，或復安置端正女人，及諸僮僕，善閑一切世儀禮則，一切藝能無不成就。隨諸眾生有來求索，悉皆施與，靡不令其意願充滿。

爾時，大樹妙高吉祥王都之中，有一母人，名為：善現，有一童女，名：具足豔吉祥，顏容端正，色相嚴潔，洪纖得所，修短合度，眾相圓備日髮紺青，言同梵音，清徹美妙，智慧聰明，人所尊重，善達技能，精通辯論。恭勤匪懈，質直柔和，少欲寡思，慈愍不害，具足慚愧，無諂無驕，志量弘深，人無與等。及與其母乘妙寶車，將諸眷屬無量婁女前後

圍遶，先於太子，從王都出，歌詠嬉戲隨路而行。見其太子奏諸技樂，言辭諷詠，心生愛染，而白母言：『善哉！慈母！我心願得敬事此人，若不遂情，自當殞滅。』

時母善現，告其女言：『汝今不應生如是念，何以故？今此仁者，是王太子，具足圓滿轉輪王相，不久當紹轉輪王位，時，有女寶自然出現，飛行乘空有大威德。我今與汝種族卑賤，非其匹偶，此甚難得，勿生是意。』

是時童女，其心決定堅固不捨。時，香芽雲峰園苑之側，有一道場，名：法雲光明。時有如來，名：勝日身，於此道場，成等正覺，已經七日。是時童女，遊觀疲極，暫時假寐，時彼如來，即於夢中為現神變。從夢覺已，時，有宿世守護菩薩親友使天，於虛空中而告之言：『童女！汝向所夢是勝日身如來，於香芽雲峰園苑之側，法雲光明菩提場中，成等正覺，始經七日。諸菩薩眾前後圍遶，及諸天、龍、夜叉、乾闥婆、阿修羅、迦樓羅、緊那羅、摩睺羅伽、梵世諸王淨居天等，并諸一切主河、主海、主地、主水、主風、主火、主山、主城、主園、主藥、主林、主稼、主方、主空、主晝、主夜、身眾、足行、道場神等，男女眷屬，為欲見佛聽聞法故，皆悉來集，汝今亦應親近禮敬。』

時，具足豔吉祥童女，以於夢中觀佛神變，得佛功德所加持

故，其心無畏安隱快樂，以其宿心景慕太子，即於其前而說偈言：

我身端正無等倫	智慧色相皆圓滿
言辭禮則咸通達	功德名聞徧十方
世間無量諸眾生	見我身者皆貪著
我於彼眾恆清淨	曾不生於染愛心
我心一切無憎愛	亦離愚癡瞋恨心
但以清淨大慈悲	究竟饒益諸含識
我於今時見太子	最勝功德相莊嚴
其心大喜充徧身	諸根悅樂思親近
色如淨妙光明寶	毛髮紺青而右旋
鼻高修直妙端嚴	額廣平正眉纖曲
身如妙寶真金聚	相好光明無等倫
妙眼長廣若青蓮	齒白齊密踰珂雪
月面圓明師子頰	口方脣赤色如丹
所發會無非法言	願最勝尊哀納我
舌相長廣能柔軟	色若赤銅眾寶光
聲如梵響緊那羅	眾生聞者咸欣悅
發言現笑辭清妙	威光蔽眾德難量
喜顏美貌自莊嚴	能令見者無厭足
心無垢染身清淨	三十二相所莊嚴
必於此界作輪王	唯願慈哀垂納受

爾時，威德主太子，為於世間顯示女人多諸過患，障諸世間、出世間樂，乃至能障無上菩提，於眾會中，即為童女而說偈言：

世間妄計諸宗族	愛敬適悅唯女人
一切最勝無比倫	能成住止諸善伴
女為第一人中寶	亦作天人解脫因
紹續勝種功德身	世智說言女為勝
一切熱惱燒心苦	種種煩冤所逼身
妻慰令使得清涼	譬如毒暑逢甘雨
凡夫心沒諸憂惱	猶遭重病之所纏
因妻佞媚所歡娛	妄謂除憂最勝藥
邪見眾生興是念	女人能為世間因
生成長育福莊嚴	天地變化無能勝
勤勞世業唯由女	勸夫普作諸善事
能令男子隨意轉	此女無染別人心
智人所說諸煩惱	一切過業由女生
況取卑族以為妻	世間極惡無過此
女人弊執為其性	如地堅住匪能移
但隨富樂榮貴遷	貧賤衰羸咸棄捨
五通仙人威德	退失神通因女人
隨意自在騎頸行	王女能令寂靜轉
琰魔死王及猛風	亦如地下沃焦海
炎火黑蛇刀毒藥	女人為害過於此

敬心給足諸財寶 質直承事意無違  
智慧方便或剛柔 無有能知女心者  
見人啼笑皆過彼 種種幻惑誘其心  
貌恭矯媚於男夫 心藏很戾無知者  
極虛誑語示真實 極真實言皆虛妄  
恆如毒獸害眾生 咄哉丈夫寧共處  
長時敬事益驕慢 暫遇違緣惡轉增  
若出若處一切時 凌突於夫無愧恥  
如火焚薪恆不足 如海吞流無滿時  
琰魔不厭殺眾生 女人欲男心亦爾  
女人不觀於種族 老少貴賤與妍媸  
一切男子悉馳求 無厭恣欲情如是  
女人志欲無厭足 曾無少分繫夫心  
猶如野牛自在行 恆思漸食於新草  
少年盛色心流轉 富貴從夫繫屬人  
豐盈玉饌瓔珞衣 常願貧窮隨自意  
種種供事咸充足 塗香沐浴妙莊嚴  
未嘗慚愧丈夫恩 縱意邪思心不絕  
或染欲語憐愍語 舌上猶如甘露生  
心中猛惡興毒害 是故女言難定信  
女人能間夫宗族 匪令雍穆暫同居  
父母兄弟甚怨讎 一切姻親皆捨離  
外現美容懷諂媚 一切愆違滿腹中

不應觀視一須與  
女人恆於一切處  
一行有顧眾所輕  
女人童幼及中年  
內外種族皆榮貴  
處女居家隨父母  
夫亡從子護嫌疑  
出家捨欲修寂靜  
猶鬱金香染垢衣  
如囚得出思還入  
癩病已除念病時  
如澄靜水蛟龍止  
雖修戒定念女人  
智人寧吞於熱鐵  
戒定慧品徧成怨  
女人不觀於勝族  
唯求染欲無異心  
有住諸禪及威勢  
或時女色染其心  
鬪諍象馬諸軍陣  
勝族乞丐為僕隸  
女人喜怒情難見  
世間名稱諸智人  
況久甘其粗惡語  
防諸過患及猜嫌  
傷風敗俗人咸棄  
乃至老時過百歲  
動止恆須人所防  
笄年適事又從夫  
由是常名不自在  
心思女境非聖賢  
離善常為智人笑  
如狂遇差願重生  
捨女思女過於是  
亦如金窟猛獸居  
智者觀之亦如是  
不觀女色亂其心  
寂靜資緣皆棄捨  
吉祥富貴智名聞  
云何慧者所親近  
能教勇力與王仙  
退失調伏諸功德  
亡軀濟海集珍財  
行非正法皆由女  
染心邪計量無涯  
無有能知女心者



五通神仙及天主 能知大海水多少  
終身計算莫能知 一一女人差別意  
諂言悅耳甘如蜜 心如利劍害於人  
亂意巧妙奪人心 懷惡興謀肆諸毒  
女人妙飾或無飾 行住坐臥悉猜嫌  
邪視愚智諸女人 見畫像女亦憎惡  
愚童樂攀毒樹枝 癡亂欲住毒蛇窟  
狂人執持於熱鐵 親近女色過於是  
染著女色心昏醉 違意忿毒害於身  
怖彼女人喜怒時 智者云何親近住  
女人惡法滿其心 如河深水蛟龍止  
不觀勇力色種族 恣欲從心無是非  
女心不定如疾風 亦如迅速浮雲電  
百歲供承資所欲 會無少念丈夫恩  
不敬有德輕無德 憎貧樂富徇貪求  
美言敬養增慢高 資財闕乏無心顧  
虻蛇枯磧狼毒華 共住戴持傷一世  
暫近女色過於彼 永害未來功德身  
女人讒巧恆是非 離間六親及朋友  
覆藏己過揚他失 一切過患由女人  
女心不定如猿狖 恆思少過忘多恩  
愚夫敬事若師尊 如奴奉主情無足  
女性如河滋汎溢 漂諸勝法壞多身

如流湍激兩岸崩  
女人欲網甚堅密  
笑語歡諍無異心  
女人染愛由妄起  
色衰愛息一須臾  
女人愛欲須臾頃  
或時寶重過殊珍  
象王自在拔樹力  
由為女象醉其心  
菩薩為法攝女人  
若時太過而親近  
女人志趣恆卑下  
所往能令善法衰  
女人能張愛欲網  
世間染欲諸眾生  
智者觀知本不淨  
如是厭離女人身  
女身虛幻如浮泡  
積集不淨過山岳  
一切憂惱及恐怖  
若能觀察無貪著  
是故智者不觀女  
想如母女及姊妹  
女人害善過於是  
顧視徐行無愧容  
羅諸富貴如昏醉  
如樹無根欲盡燈  
所有恩情咸滅盡  
染心邪語信難依  
或生厭棄如芻草  
色如浮空大白雲  
一切隨人所調伏  
雖恆教授心遠離  
如鳥折翼不能飛  
如河流處岸崩摧  
毀宗滅族皆因此  
羅捕一切諸愚夫  
如魚吞鉤為所食  
九竅常流晝夜時  
云何於此生貪著  
老病死苦所依處  
云何於此生貪著  
皆從女色之所生  
解脫無憂無恐懼  
或時觀察以慈心  
隨應為說無貪法

能了女人身內外 種種不淨之所生  
如何境動思欲火 焚燒累劫諸善根

爾時，妙威德主太子說此偈已，告具足豔吉祥童女言：『汝是誰女？先繫屬誰？為誰守護？若已屬人，我則不應重攝受汝。』爾時太子，以偈問曰：

汝具清淨功德身	色相端嚴甚微妙
我今問汝應實答	汝本從生及所居
父母親屬為是誰	汝復今依誰所住
若已繫屬於他人	我則不應重攝受
汝不好盜他財物	汝不無慈害有情
汝不邪行染其心	畢竟汝依何語住
汝不離間他親友	口出一切粗惡言
虛誑無義惱群生	貪求境界懷嫉妒
汝不於他生恚怒	以邪險見自纏心
不行諂幻誑世間	作諸相違重業不
尊重父母師長不	恭敬一切善友不
見諸困厄貧窮人	能起慈心饒益不
若有一切善知識	誨示於汝真實法
能以堅固信樂心	恭敬勤修供養不
汝能愛樂諸佛不	汝能尊重菩薩不
最勝佛法功德僧	一切能生恭敬不
汝能安住正法不	汝能遠離非法不

聞讚無邊功德海 能生愛樂尊重不  
汝見孤獨無所依 能起慈心救護不  
汝見惡道諸眾生 能生廣大悲心不  
於他所有榮樂事 能生最極歡喜不  
於諸逼迫眾生中 能住平等捨心不  
汝為癡暗諸眾生 求大菩提開悟不  
無邊劫海修諸行 不起身心疲倦不

爾時，太子如是問已，女母善現即於其前，自說童女從初誕生，乃至成長所有吉祥功德之相，而說偈言：

太子仁今應善聽 所問此女諸因緣  
初生漸次及長成 具德莊嚴我當說  
曩於太子初生日 此女亦從蓮華生  
諸根清淨相圓明 肢節莊嚴皆具足  
我時遊觀於春月 入彼最勝娑羅園  
觀諸卉木華胎生 百穀藥草皆榮茂  
奇樹名華開眾色 發耀舒光如慶雲  
黑蜂遊集鳥和鳴 聞者忘憂恣歡樂  
同遊八百諸綵女 容儀端正奪人心  
袿服姝麗備莊嚴 言談歌詠皆殊妙  
園有浴池寶嚴飾 名為種種蓮華幢  
我將綵女詣池邊 散華布地而敷座  
於彼清淨芳池內 忽生千葉寶蓮華

閻浮檀金以為臺  
妙香眾寶為華燄  
眾生觀相盡生疑  
夜分既盡日初出  
蓮華放光出妙音  
我時見此人間寶  
往修淨業悉無虧  
紺瑠璃髮青蓮眼  
華鬘寶髻具莊嚴  
身分肢節皆圓滿  
儼然端坐寶華中  
徧身所有諸毛孔  
口中常出青蓮香  
或時微笑有宣說  
此是女寶世間希  
我觀世間無有人  
唯仁功德相莊嚴  
此女非長亦非短  
身諸部分悉端嚴  
世間所有諸技藝  
言辭諷詠皆清妙  
亦能解了諸兵法  
善和鬪訟以慈心  
瑠璃為莖摩尼葉  
普放一切大光明  
中夜云何日光照  
光明照此蓮華開  
示此童女初生相  
從彼蓮華之所生  
今獲圓明諸妙果  
面貌端嚴金色光  
吉祥無垢蓮華色  
相好光明無比倫  
猶如淨妙真金像  
咸出一切梅檀香  
所有言音同梵響  
猶如天樂妙音聲  
非諸下劣當斯偶  
堪與此女為其主  
願賜弘悲哀納受  
亦復不粗亦不細  
眾相圓備無譏醜  
文字算印工巧法  
唯願仁尊哀納受  
弓劍技術無不通  
聞名仰德咸調伏

宿因勝行皆圓滿  
見者歡喜永無厭  
眾生所有一切病  
應病與藥使無差  
闍浮一切語言法  
名言訓釋各不同  
世間所有諸音樂  
言辭辯論適人心  
動止威儀皆有則  
於染不染諸眾生  
徐步諦觀心不亂  
身口恆隨智慧行  
女人所有諸功德  
人間女寶汝應知  
其心不慳亦不嫉  
質直柔軟性調和  
恭敬一切諸尊長  
於諸梵行悉堅持  
見諸衰老及重病  
無主無親無所依  
不念自身安隱樂  
以此功德莊嚴心  
行住坐臥心無逸

一切功德自莊嚴  
唯願仁尊哀納受  
知其因起及增損  
能令眾苦皆銷滅  
音聲隨轉無量種  
如是一切咸通達  
歌舞嬉戲及讚詠  
能令見者咸忻悅  
取捨進退合其宜  
但以慈心無所著  
諸根寂靜念無虧  
女人過失咸皆離  
此女一切備修持  
願速垂悲哀納受  
亦無嗜欲及貪瞋  
言音美妙無粗獷  
專求功德志無移  
唯願慈悲哀納受  
受諸困厄處貧窮  
常起慈心而救護  
常樂利益諸眾生  
究竟觀於真實諦  
動靜語默常應時

未曾一念捨眾生 能令見者咸尊重  
雖於一切眾生處 不起凡夫染汙心  
見有慈悲具德人 常樂親近無厭足  
普能尊重善知識 遠離一切惡知識  
心無躁競恆順行 所作先思無謬失  
普於一切無怨恨 恆修眾福以嚴身  
智慧人間無等倫 此女宜應奉太子  
大方廣佛華嚴經普賢行願品卷第二十八

離婆離婆帝 求訶求訶帝 陀羅尼帝 尼訶囉帝  
毗黎你帝 摩訶伽帝 真陵乾帝 娑婆訶 (七遍)

南無喝囉怛那 哆囉夜耶 佉囉佉囉  
俱住俱住 摩囉摩囉 虎囉 吽 賀賀  
蘇怛拏 吽 潑抹拏 娑婆訶 (三遍)

願以此功德 莊嚴佛淨土 上報四聖恩 下濟六凡苦  
所有法界眾 悉修菩提行 盡此一報身 同生極樂國